



MALAYSIA

# Warta Kerajaan

SERI PADUKA BAGINDA

DITERBITKAN DENGAN KUASA

*HIS MAJESTY'S GOVERNMENT GAZETTE*

*PUBLISHED BY AUTHORITY*

Jil. 44  
No. 12

**15hb Jun 2000**

*TAMBAHAN No. 5  
AKTA*

Akta-Akta Parlimen yang berikut, yang telah diluluskan oleh kedua-dua Dewan Parlimen dan dipersetujui oleh Seri Paduka Baginda Yang di-Pertuan Agong, adalah diterbitkan menurut Fasal (5) Perkara 66 Perlembagaan:

The following Acts of Parliament, passed by both Houses of Parliament and assented to by His Majesty the Yang di-Pertuan Agong, are published pursuant to Clause (5) of Article 66 of the Constitution:

No.	Tajuk ringkas
Akta A1075 ...	Akta Perindustrian Niaga Hadapan (Pindaan) 2000 Futures Industry (Amendment) Act 2000
Akta A1076 ...	Akta Perindustrian Sekuriti (Depositori Pusat) (Pindaan) 2000 Securities Industry (Central Depositories) (Amendment) Act 2000
Akta A1077 ...	Akta Reka Bentuk Perindustrian (Pindaan) 2000 Industrial Designs (Amendment) Act 2000

Akta A1078	...	Akta Cap Dagangan (Pindaan) 2000 Trade Marks (Amendment) Act 2000
Akta A1079	...	Akta Perbadanan Tabung Pendidikan Tinggi Nasional (Pindaan) 2000 Perbadanan Tabung Pendidikan Tinggi Nasional (Amendment) Act 2000
Akta A1080	...	Akta Kumpulan Wang Simpanan Pekerja (Pindaan) 2000 Employees Provident Fund (Amendment) Act 2000
Akta A1081	...	Akta Syarikat (Pindaan) 2000 Companies (Amendment) Act 2000
Akta A1082	...	Akta Hakcipta (Pindaan) 2000 Copyright (Amendment) Act 2000



# **UNDANG-UNDANG MALAYSIA**

**Akta A1078**

**AKTA CAP DAGANGAN (PINDAAN) 2000**

Tarikh Persetujuan Diraja ... 30 Mei 2000

Tarikh diterbitkan dalam *Warta* ... 15 Jun 2000

**Hakcipta Pencetak (H)**

**PERCETAKAN NASIONAL MALAYSIA BERHAD**

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada **Percetakan Nasional Malaysia Berhad (Pencetak kepada Kerajaan Malaysia yang dilantik)**.

**UNDANG-UNDANG MALAYSIA****Akta A1078****AKTA CAP DAGANGAN (PINDAAN) 2000**

Suatu Akta untuk meminda Akta Cap Dagangan 1976.

[ 1 Ogos 2001  
PU (B) 278/01 ]

**DIPERBUAT** oleh Parlimen Malaysia seperti yang berikut:

**Tajuk ringkas dan permulaan kuat kuasa**

1. (1) Akta ini bolehlah dinamakan Akta Cap Dagangan (Pindaan) 2000.

(2) Akta ini hendaklah mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

**Pindaan seksyen 3**

2. Akta Cap Dagangan 1976 [*Akta 175*], yang disebut “Akta ibu” dalam Akta ini, dipinda dalam subseksyen 3(1)—

(a) dengan memasukkan selepas takrif “ditetapkan” takrif yang berikut:

“Konvensyen Paris” ertinya Konvensyen Paris bagi Pelindungan Harta Perindustrian bertarikh 20 Mac 1883 yang disemak di Stockholm pada 14 Julai 1967;’;

(b) dengan memasukkan selepas takrif “penyerahakan” takrif yang berikut:

“Perjanjian TRIPS” ertinya Perjanjian tentang Aspek-Aspek yang Berhubungan dengan Perdagangan

bagi Hak Harta Intelek 1994 yang merupakan Lampiran 1C kepada Perjanjian Penubuhan Pertubuhan Perdagangan Dunia;'; dan

- (c) dengan memasukkan selepas takrif "perpindahan" takrif yang berikut:

“petunjuk geografi” ertinya suatu petunjuk yang mengenal pasti apa-apa barang sebagai berasal dari sesuatu negara atau wilayah atau suatu kawasan atau tempat dalam negara atau wilayah itu, jika suatu kualiti, reputasi atau ciri lain tertentu barang itu adalah pada dasarnya boleh dianggap berpunca dari tempat asal geografinya;’.

### Seksyen baru 4A

3. Akta ibu dipinda dengan memasukkan selepas seksyen 4 seksyen yang berikut:

“Pelin-  
dungan  
pegawai.

4A. Tiada tindakan atau pendakwaan boleh dibawa, dimulakan atau dikekalkan dalam mana-mana Mahkamah terhadap—

- (a) Pendaftar Cap Dagangan;
- (b) Timbalan Pendaftar Cap Dagangan; atau
- (c) Penolong Pendaftar Cap Dagangan,

bagi apa-apa perbuatan atau peninggalan yang dilakukan dengan suci hati dalam melaksanakan tugasnya dan menjalankan kuasanya di bawah Akta ini.”.

### Pindaan seksyen 6

4. Seksyen 6 Akta ibu dipinda—

- (a) dengan memotong subseksyen (2); dan
- (b) dalam subseksyen (3) dengan memotong perkataan “Bahagian A atau Bahagian B dalam”.



### **Pindaan seksyen 10**

#### **5. Seksyen 10 Akta ibu dipinda—**

- (a) dalam nota birai dengan memotong perkataan “dalam Bahagian A”;
- (b) dalam subseksyen (1) dan (2) dengan memotong perkataan “dalam Bahagian A dalam Daftar”;
- (c) dalam subseksyen (2A) dengan menggantikan perkataan “ia disesuaikan untuk” dengan perkataan “cap dagangan itu mestilah boleh”;
- (d) dengan menggantikan subseksyen (2B) dengan subseksyen yang berikut:

“(2B) Dalam menentukan sama ada sesuatu cap dagangan boleh membezakan sebagaimana yang tersebut dahulu, perhatian bolehlah diberikan kepada takat yang—

- (a) cap dagangan itu pada asasnya boleh membezakan sebagaimana yang tersebut dahulu; dan
- (b) oleh sebab penggunaan cap dagangan itu atau oleh sebab apa-apa hal keadaan lain, cap dagangan itu pada hakikatnya boleh membezakan sebagaimana yang tersebut dahulu.”; dan
- (e) dengan menggantikan subseksyen (3) dengan subseksyen yang berikut:

“(3) Sesuatu cap dagangan boleh didaftarkan dalam Daftar mengenai apa-apa barang atau perkhidmatan.”.

### **Pemotongan seksyen 11**

#### **6. Seksyen 11 Akta ibu dipotong.**

### **Pindaan seksyen 14**

#### **7. Seksyen 14 Akta ibu dipinda—**

- (a) dengan menomborkan semula seksyen yang sedia ada sebagai subseksyen (1) seksyen itu;

(b) dalam subseksyen (1)—

- (i) dengan memotong perkataan “atau” di hujung perenggan (b);
- (ii) dengan menggantikan noktah di hujung perenggan (c) dengan koma bertitik; dan
- (iii) dengan memasukkan selepas perenggan (c) perenggan yang berikut:

“(d) jika cap itu serupa atau hampir-hampir menyerupai suatu cap yang terkenal di Malaysia bagi barang atau perkhidmatan yang sama dengan barang dan perkhidmatan seorang tuan punya lain;

(e) jika cap itu terkenal dan didaftarkan di Malaysia bagi barang atau perkhidmatan yang tidak sama dengan barang atau perkhidmatan yang berkenaan dengannya pendaftaran dipohon:

Dengan syarat bahawa penggunaan cap itu berhubung dengan barang atau perkhidmatan itu akan menunjukkan suatu kaitan antara barang atau perkhidmatan itu dengan tuan punya cap yang terkenal itu, dan kepentingan tuan punya cap yang terkenal itu mungkin dirosakkan dengan penggunaan itu;

(f) jika cap itu mengandungi atau terdiri daripada petunjuk geografi berkenaan dengan barang yang tidak berasal dari wilayah yang ditunjukkan, jika penggunaan petunjuk dalam cap itu bagi barang itu di Malaysia adalah sedemikian rupa sehingga mengelirukan orang ramai tentang tempat asal sebenar barang itu; atau

(g) jika cap itu ialah cap bagi wain yang mengandungi atau terdiri daripada petunjuk geografi yang mengenal pasti wain, atau



ialah cap bagi spirit yang mengandungi atau terdiri daripada petunjuk geografi yang mengenal pasti spirit, yang tidak berasal dari tempat yang ditunjukkan oleh petunjuk geografi yang berkenaan.”; dan

- (c) dengan memasukkan selepas subseksyen (1) subseksyen yang berikut:

“(2) Perkara 6*bis* Konvensyen Paris dan Perkara 16 Perjanjian TRIPS hendaklah terpakai bagi maksud menentukan sama ada sesuatu cap dagangan ialah suatu cap dagangan yang terkenal.”.

### Seksyen baru 14A

8. Akta ibu dipinda dengan memasukkan selepas seksyen 14 seksyen yang berikut:

“Bila pendaftaran tidak boleh ditolak. 14A. (1) Sesuatu cap dagangan tidaklah boleh ditolak pendaftarannya menurut kuasa perenggan (f) dan (g) seksyen 14 jika permohonan untuk pendaftarannya telah dibuat dengan suci hati, atau jika cap dagangan itu telah digunakan secara terus-menerus dengan suci hati dalam perjalanan perdagangan oleh pemohon untuk pendaftarannya atau pendulunya dalam hak milik, sama ada—

Akta 602. (a) sebelum permulaan kuat kuasa Akta Petunjuk Geografi 2000; atau

(b) sebelum petunjuk geografi yang berkenaan diberi perlindungan di negara asalnya.

(2) Sesuatu cap dagangan tidaklah boleh ditolak pendaftarannya menurut perenggan (f) dan (g) seksyen 14 jika petunjuk geografi yang berkenaan—

(a) tidak lagi dilindungi; atau

(b) telah tidak digunakan lagi, di negara asalnya.”.

**Pindaan seksyen 25****9. Seksyen 25 Akta ibu dipinda—**

- (a) dalam subseksyen (1) dengan memotong perkataan “dalam Bahagian A atau Bahagian B”; dan
- (b) dengan memotong subseksyen (11).

**Pindaan seksyen 30****10. Subseksyen 30(1) Akta ibu dipinda—**

- (a) dengan memotong perkataan “dalam Bahagian A atau Bahagian B”; dan
- (b) dengan menggantikan perkataan “apabila dibayar bayaran yang ditetapkan di atas nama tuan-punyanya dalam Bahagian A atau Bahagian B dalam Daftar, mengikut mana yang berkenaan,” dengan perkataan “dalam Daftar apabila dibayar bayaran yang ditetapkan atas nama tuan-punyanya.”.

**Pindaan seksyen 35****11. Subseksyen 35(1) Akta ibu dipinda dengan memotong perkataan “dalam Bahagian A atau Bahagian B”.****Pindaan seksyen 37****12. Seksyen 37 Akta ibu dipinda dengan memotong perkataan “dalam Bahagian A”.****Pindaan seksyen 38****13. Seksyen 38 Akta ibu dipinda dengan memotong subseksyen (2).****Pindaan seksyen 39****14. Subseksyen 39(1) Akta ibu dipinda dengan memotong perkataan “dalam Bahagian A atau Bahagian B”.**

**Pindaan seksyen 45**

15. Seksyen 45 Akta ibu dipinda dengan memotong subseksyen (2).

**Pindaan seksyen 55**

16. Seksyen 55 Akta ibu dipinda dalam teks bahasa kebangsaan dengan menggantikan perkataan “muhibbah” di mana-mana jua terdapat dengan perkataan “nama baik”.

**Pindaan seksyen 56**

17. Seksyen 56 Akta ibu dipinda—

(a) dalam subseksyen (1)—

(i) dengan menggantikan perkataan “Sesuatu cap yang disesuaikan berhubung dengan apa-apa barang atau perkhidmatan untuk membezakan” dengan perkataan “Sesuatu cap mestilah, berhubung dengan apa-apa barang atau perkhidmatan, boleh membezakan”; dan

(ii) dengan memotong perkataan “dalam Bahagian A”;

(b) dengan menggantikan subseksyen (2) dengan subseksyen yang berikut:

“(2) Dalam menentukan sama ada sesuatu cap boleh membezakan, Pendaftar boleh memberi perhatian kepada takat yang—

(a) cap itu pada asasnya boleh membezakan berhubung dengan barang atau perkhidmatan yang berkenaan; dan

(b) oleh sebab penggunaan cap itu atau oleh sebab apa-apa hal keadaan lain, cap itu pada hakikatnya boleh membezakan berhubung dengan barang atau perkhidmatan yang berkenaan.”; dan

(c) dengan memotong subseksyen (18).

**Seksyen baru 70B**

18. Akta ibu dipinda dengan memasukkan selepas seksyen 70A seksyen yang berikut:

“Pelindungan cap dagangan terkenal. 70B. (1) Tuan punya sesuatu cap dagangan yang berhak diberi perlindungan di bawah Konvensyen Paris atau Perjanjian TRIPS sebagai suatu cap dagangan yang terkenal adalah berhak untuk menghalang dengan injunksi penggunaan di Malaysia dalam perjalanan perdagangan dan tanpa persetujuan tuan punya cap dagangan itu yang, atau yang bahagian utamanya, adalah serupa dengan atau hampir-hampir menyerupai cap tuan punya itu, berkenaan dengan barang atau perkhidmatan yang sama, jika penggunaan itu mungkin memperdayakan atau menyebabkan kekeliruan.

(2) Tiada apa-apa jua dalam subseksyen (1) boleh menyentuh keberterusan apa-apa penggunaan *bona fide* sesuatu cap dagangan yang bermula sebelum permulaan kuat kuasa Akta ini.

(3) Dalam seksyen ini, sebutan tentang sesuatu cap dagangan yang berhak untuk diberi perlindungan di bawah Perkara 6*bis* Konvensyen Paris atau Perkara 16 Perjanjian TRIPS sebagai suatu cap dagangan yang terkenal adalah tentang suatu cap yang terkenal di Malaysia sebagai cap seseorang sama ada atau tidak orang itu menjalankan perniagaan, atau mempunyai apa-apa nama baik, di Malaysia, dan sebutan tentang tuan punya cap itu hendaklah ditakrifkan dengan sewajarnya.”.

**Bahagian baru XIV<sub>A</sub>**

19. Akta ibu dipinda dengan memasukkan selepas Bahagian XIV Bahagian yang berikut:

**“BAHAGIAN XIV<sub>A</sub>****LANGKAH-LANGKAH SEMPADAN**

Tafsiran. 70C. Dalam Bahagian ini, melainkan jika konteksnya menghendaki makna yang lain—

“barang cap dagangan lancung” ertinya apa-apa barang, termasuk pembungkus, yang terdapat padanya tanpa



kebenaran suatu cap dagangan yang serupa atau hampir-hampir menyerupai cap dagangan yang didaftarkan dengan sah berkenaan dengan barang itu, atau yang tidak dapat dibezakan tentang aspek pentingnya daripada cap dagangan itu, dan yang melanggar hak tuan punya cap dagangan itu di bawah Akta ini;

“barang dalam transit” ertinya barang yang diimport, sama ada atau tidak didaratkan atau dipindahkan ke kenderaan lain di Malaysia, yang akan dibawa ke suatu negara lain sama ada dengan kenderaan yang sama atau yang lain;

“barang yang disita” ertinya barang yang disita di bawah seksyen 70D;

“cagaran” ertinya apa-apa jumlah wang dalam bentuk tunai;

“import” ertinya membawa atau menyebabkan dibawa masuk ke dalam Malaysia dengan apa-apa cara;

“pegawai diberi kuasa” ertinya—

(a) seseorang pegawai kastam yang hak sebagaimana yang ditakrifkan di bawah Akta Kastam 1967; atau

(b) mana-mana pegawai yang dilantik oleh Menteri melalui pemberitahuan dalam *Warta* untuk menjalankan kuasa dan melaksanakan kewajipan yang diberikan dan dikenakan ke atas seseorang pegawai diberi kuasa oleh Bahagian ini;

“tempoh simpanan”, berhubung dengan barang yang disita, ertinya—

(a) tempoh yang dinyatakan dalam notis yang diberikan di bawah seksyen 70G berkenaan dengan barang itu; atau

(b) jika tempoh itu telah dilanjutkan di bawah seksyen 70G, tempoh yang dilanjutkan itu.



Sekatan  
ke atas  
pengim-  
portan  
barang cap  
dagangan  
lancung.

70D. (1) Mana-mana orang boleh mengemukakan suatu permohonan kepada Pendaftar yang menyatakan—

(a) bahawa dia ialah tuan punya suatu cap dagangan berdaftar atau ejen tuan punya itu yang mempunyai kuasa untuk mengemukakan permohonan itu;

(b) bahawa, pada masa dan tempat yang dinyatakan dalam permohonan itu, barang yang, berhubung dengan cap dagangan berdaftar itu, adalah barang cap dagangan lancung dijangka akan diimport bagi maksud perdagangan; dan

(c) bahawa dia membantah pengimportan itu.

(2) Sesuatu permohonan di bawah subseksyen (1) hendaklah disokong oleh dokumen dan maklumat yang berhubungan dengan barang itu yang membolehkan barang itu dikenal pasti oleh pegawai diberi kuasa, dan disertakan dengan apa-apa fi sebagaimana yang ditetapkan.

(3) Apabila permohonan di bawah subseksyen (1) diterima, Pendaftar hendaklah memutuskan permohonan itu, dan Pendaftar hendaklah dalam tempoh yang munasabah memaklumkan pemohon sama ada permohonan itu diluluskan.

(4) Dalam menentukan tempoh yang munasabah di bawah subseksyen (3), Pendaftar hendaklah menimbangkan semua hal keadaan yang relevan bagi kes itu.

(5) Sesuatu kelulusan di bawah subseksyen (3) hendaklah terus berkuat kuasa sehingga berakhir tempoh enam puluh hari yang bermula pada hari kelulusan itu diberikan, melainkan jika kelulusan itu ditarik balik sebelum tempoh itu berakhir, oleh pemohon dengan memberikan notis secara bertulis kepada Pendaftar.

(6) Jika suatu kelulusan telah diberikan di bawah seksyen ini dan belum luput atau ditarik balik, pengimportan apa-apa barang cap dagangan lancung ke dalam Malaysia sepanjang tempoh yang ditentukan dalam kelulusan itu adalah dilarang.

(7) Apabila memberikan kelulusannya di bawah subseksyen (3) Pendaftar hendaklah dengan segera mengambil langkah yang perlu untuk memberitahu pegawai diberi kuasa.

(8) Jika seseorang pegawai diberi kuasa telah diberitahu oleh Pendaftar, dia hendaklah mengambil tindakan yang perlu untuk melarang mana-mana orang daripada mengimport barang yang dikenal pasti dalam notis, yang bukan barang dalam transit, dan hendaklah menyita dan menahan barang yang dikenal pasti itu.

Cagaran.

70E. (1) Pendaftar hendaklah, apabila memberikan kelulusannya di bawah seksyen 70D, menghendaki pemohon supaya menandatangani pada Pendaftar suatu cagaran yang pada pendapat Pendaftar adalah mencukupi untuk—

- (a) membayar balik Kerajaan bagi apa-apa liabiliti atau perbelanjaan yang mungkin ditanggung hasil daripada penyitaan barang itu; atau
- (b) menghalang penyalahgunaan dan melindungi pengimport; atau
- (c) membayar apa-apa pampasan sebagaimana yang diperintahkan oleh Mahkamah di bawah Bahagian ini.

Penyimpanan  
selamat  
barang yang  
disita.

70F. (1) Barang yang disita hendaklah dibawa ke mana-mana tempat selamat sebagaimana yang diarahkan oleh Pendaftar atau sebagaimana yang difikirkan patut oleh pegawai diberi kuasa.

(2) Jika barang itu disimpan atas arahan pegawai diberi kuasa, pegawai diberi kuasa itu hendaklah memaklumkan Pendaftar tentang tempat barang yang disita itu berada.

Notis.

70G. (1) Dengan seberapa segera yang semunasabahnya dapat dilaksanakan selepas barang disita di bawah seksyen 70D, pegawai diberi kuasa hendaklah memberi Pendaftar, pengimport dan pemohon, sama ada sendiri atau melalui pos berdaftar, suatu notis yang mengenal pasti barang itu, yang menyatakan bahawa barang itu telah disita dan tempat barang itu berada.

(2) Notis di bawah subseksyen (1) hendaklah juga menyatakan bahawa barang itu akan dilepaskan kepada pengimport melainkan jika suatu tindakan bagi pelanggaran berkenaan dengan barang itu dimulakan oleh pemohon dalam tempoh yang ditentukan dari tarikh notis itu.

(3) Jika pada masa notis itu diterima suatu tindakan bagi pelanggaran sudah dimulakan oleh pemohon, dia hendaklah memberitahu Pendaftar hakikat itu.

(4) Pemohon boleh, melalui notis bertulis yang diberikan kepada Pendaftar sebelum berakhir tempoh yang ditentukan dalam notis itu (tempoh yang mula-mula), meminta tempoh itu dilanjutkan.

(5) Tertakluk kepada subseksyen (6), jika—

- (a) suatu permintaan dibuat mengikut subseksyen (4); dan
- (b) Pendaftar berpuas hati bahawa adalah munasabah permintaan itu dibenarkan,

Pendaftar boleh melanjutkan tempoh yang mula-mula itu.

(6) Suatu keputusan atas sesuatu permintaan yang dibuat mengikut subseksyen (4) hendaklah dibuat dalam masa dua hari kerja selepas permintaan itu dibuat, tetapi keputusan sedemikian tidak boleh dibuat selepas berakhir tempoh yang mula-mula yang dengannya permintaan itu berkaitan.

Pemeriksaan  
pelepasan,  
dsb., barang  
yang disita.

70H. (1) Pendaftar boleh membenarkan pemohon atau pengimport memeriksa barang yang disita jika dia bersetuju untuk memberikan aku janji yang diperlukan.

(2) Aku janji yang diperlukan yang disebut dalam subseksyen (1) ialah aku janji secara bertulis bahawa orang yang memberi aku janji itu akan—

- (a) memulangkan sampel barang yang disita itu kepada Pendaftar pada masa yang ditentukan yang memuaskan Pendaftar; dan



(b) mengambil penjagaan yang munasabah untuk mencegah kerosakan kepada sampel itu.

(3) Jika pemohon memberikan aku janji yang diperlukan, Pendaftar boleh membenarkan pemohon mengambil sampel barang yang disita itu daripada jagaan Pendaftar untuk diperiksa oleh pemohon.

(4) Jika pengimport memberikan aku janji yang diperlukan, Pendaftar boleh membenarkan pengimport mengambil sampel barang yang disita itu daripada jagaan Pendaftar untuk diperiksa oleh pengimport.

(5) Jika Pendaftar membenarkan pemeriksaan barang yang disita itu, atau membenarkan pengambilan sampel barang yang disita itu, oleh pemohon mengikut seksyen ini, Pendaftar tidaklah bertanggung kepada pengimport bagi apa-apa kerugian atau kerosakan yang ditanggung oleh pengimport yang berbangkit daripada—

(a) kerosakan kepada mana-mana barang yang disita itu yang berlaku semasa pemeriksaan itu; atau

(b) apa-apa jua yang dilakukan oleh pemohon atau mana-mana orang lain kepada, atau berhubung dengan, sampel yang diambil daripada jagaan Pendaftar atau apa-apa penggunaan sampel itu yang dibuat oleh pemohon atau mana-mana orang lain.

Pelucuthakan barang yang disita dengan keizinan. 701. (1) Tertakluk kepada subseksyen (2), pengimport boleh, dengan notis bertulis kepada Pendaftar, mengizinkan barang yang disita itu dilucuthakkan kepada Kerajaan.

(2) Notis itu hendaklah diberikan sebelum apa-apa tindakan bagi pelanggaran berhubung dengan barang yang disita itu dimulakan.

(3) Jika pengimport memberikan notis itu, barang yang disita itu adalah terlucut hak kepada Kerajaan dan hendaklah dilupuskan dengan apa-apa cara yang ditetapkan melalui peraturan yang dibuat di bawah Bahagian ini.

Pelepasan  
wajib  
barang  
yang disita  
kepada  
pengimport.

70J. (1) Pendaftar hendaklah melepaskan barang yang disita itu kepada pengimport apabila tamat tempoh simpanan bagi barang itu jika pemohon—

(a) tidak memulakan tindakan bagi pelanggaran berhubung dengan barang itu; dan

(b) tidak memberikan notis bertulis kepada Pendaftar yang menyatakan bahawa tindakan bagi pelanggaran itu telah dimulakan.

(2) Jika—

(a) suatu tindakan bagi pelanggaran telah dimulakan berhubung dengan barang yang disita itu; dan

(b) pada akhir tempoh tiga puluh hari bermula pada hari tindakan bagi pelanggaran itu dimulakan, tidak ada berkuat kuasa suatu perintah Mahkamah yang di hadapannya tindakan itu dimulakan yang menghalang pelepasan barang itu,

Pendaftar hendaklah melepaskan barang itu kepada pengimport.

(3) Jika pemohon memberikan notis bertulis kepada Pendaftar yang menyatakan bahawa dia mengizinkan pelepasan barang yang disita itu, Pendaftar hendaklah melepaskan barang itu kepada pengimport.

Pampasan  
kerana  
tidak  
mengambil  
tindakan.

70K. (1) Jika barang telah disita menurut suatu notis yang diberikan di bawah seksyen 70D dan pemohon tidak mengambil tindakan bagi pelanggaran dalam tempoh simpanan, seseorang yang terkilan oleh penyitaan itu boleh memohon kepada Mahkamah untuk mendapatkan suatu perintah pampasan terhadap pemohon.

(2) Jika Mahkamah berpuas hati bahawa orang yang terkilan itu telah menanggung kerugian atau kerosakan akibat daripada penyitaan barang itu, Mahkamah boleh memerintahkan pemohon supaya membayar pampasan dalam apa-apa amaun sebagaimana yang difikirkan patut oleh Mahkamah kepada orang yang terkilan itu.



Tindakan  
bagi  
pelanggaran  
cap  
dagangan  
berdaftar.

70L. (1) Jika suatu tindakan bagi pelanggaran telah dimulakan oleh pemohon, Mahkamah boleh sebagai tambahan kepada apa-apa relief yang boleh diberikan—

- (a) memerintahkan supaya barang yang disita itu dilepaskan kepada pengimport tertakluk kepada apa-apa syarat, jika ada, sebagaimana yang difikirkan patut oleh Mahkamah;
- (b) memerintahkan supaya barang yang disita itu tidak dilepaskan kepada pengimport sebelum berakhir tempoh yang ditentukan; atau
- (c) memerintahkan supaya barang yang disita itu dilucuthakkan kepada Kerajaan,

bergantung kepada hal keadaan kes itu.

(2) Pendaftar atau pegawai diberi kuasa adalah berhak untuk didengar ketika pendengaran sesuatu tindakan bagi pelanggaran.

(3) Sesuatu Mahkamah tidak boleh membuat suatu perintah di bawah perenggan (1)(a) jika Mahkamah itu berpuas hati bahawa Kerajaan atau mana-mana pihak berkuasa berkanun dikehendaki atau dibenarkan di bawah mana-mana undang-undang lain untuk mengekalkan pengawalan barang yang disita itu.

(4) Pendaftar hendaklah mematuhi sesuatu perintah yang dibuat di bawah subseksyen (1).

(5) Jika—

- (a) tindakan itu ditolak atau diberhentikan, atau jika Mahkamah memutuskan bahawa cap dagangan berdaftar yang berkaitan itu tidak dilanggar dengan pengimportan barang yang disita itu; dan
- (b) seseorang defendan kepada tindakan bagi pelanggaran itu memuaskan hati Mahkamah bahawa dia telah menanggung kerugian atau kerosakan akibat daripada penyitaan barang itu,

Mahkamah boleh memerintahkan pemohon supaya membayar pampasan dalam apa-apa amaun sebagaimana difikirkan patut oleh Mahkamah kepada defendan itu.

Pelupusan  
barang yang  
disita yang  
diperintah-  
kan supaya  
dilucut-  
hakkan.

70M. Jika Mahkamah memerintahkan bahawa barang yang disita itu hendaklah dilucuthakkan kepada Kerajaan, barang itu hendaklah dilupuskan mengikut cara sebagaimana yang diarahkan oleh Mahkamah.

Cagaran  
tidak  
mencukupi.

70N. (1) Jika perbelanjaan munasabah yang ditanggung oleh Pendaftar berhubung dengan mana-mana tindakan yang diambil oleh Pendaftar di bawah Bahagian ini, atau yang diambil mengikut suatu perintah Mahkamah di bawah Bahagian ini, melebihi amaun cagaran yang didepositkan di bawah seksyen 70E, amaun yang lebih itu ialah hutang yang kena dibayar kepada Kerajaan.

(2) Hutang yang diwujudkan melalui subseksyen (1) adalah kena dibayar oleh pemohon, atau, jika terdapat dua atau lebih pemohon, oleh pemohon bersesama dan berasingan.

Tindakan  
*ex-officio*.

70o. (1) Mana-mana pegawai diberi kuasa boleh menahan atau menggantung pelepasan barang yang, berdasarkan keterangan *prima facie* yang telah diperoleh oleh pegawai itu, merupakan barang cap dagangan lancung.

(2) Jika barang itu telah ditahan, pegawai diberi kuasa itu—

(a) hendaklah memaklumkan Pendaftar, pengimport dan tuan punya cap dagangan itu; dan

(b) boleh pada bila-bila masa meminta daripada tuan punya cap dagangan itu apa-apa maklumat yang boleh membantunya menjalankan kuasanya.

(3) Tertakluk kepada seksyen 70J, seseorang pengimport boleh mengemukakan suatu rayuan terhadap penahanan barang atau penggantungan pelepasan barang di bawah subseksyen (1).

(4) Pegawai diberi kuasa hanya boleh dikecualikan daripada liabiliti jika tindakannya di bawah subseksyen (1) dilakukan dengan suci hati.

Peraturan-peraturan  
berhubung  
dengan  
langkah  
sempadan.

70p. (1) Menteri boleh membuat peraturan-peraturan yang perlu atau suaimanfaat bagi maksud Bahagian ini.

(2) Tanpa menjejaskan keluasan subseksyen (1), peraturan-peraturan boleh dibuat bagi—

- (a) menetapkan dan mengenakan fi dan memperuntukkan cara bagi memungut fi itu;
- (b) menetapkan borang dan notis;
- (c) memperuntukkan cara bagi mendepositkan cagaran;
- (d) menetapkan apa-apa perkara lain yang dikehendaki supaya ditetapkan di bawah Bahagian ini.”.

### **Pindaan seksyen 73**

**20. Seksyen 73 Akta ibu dipinda—**

(a) dalam subseksyen (1)—

(i) dengan memotong perkataan “dalam Bahagian A atau Bahagian B”; dan

(ii) dengan menggantikan perkataan “disesuaikan pada asasnya untuk berbeza, atau boleh berbeza, mengikut mana yang berkenaan,” dengan perkataan “boleh membezakan”; dan

(b) dalam subseksyen (3) dengan menggantikan perkataan “tidak disesuaikan untuk berbeza, atau tidak boleh berbeza, mengikut mana yang berkenaan,” dengan perkataan “tidak boleh membezakan,”.